

حقوقی بیکسیر مجموعہ سی

ہر آئی سو کنندہ نشر اول نور

اجرا ایدلمکده اولماسنه نظر آ تحریری ورقیه لزوم کو سترمه مک صورتیه اجتهاد ایدلمسنه ماده نک مساعده سی واردر. فرضاً حضور محکمه ده مدعی علیه دینی اقرار و آنحق تقاسیط ماهیه ایله تأدیه سی مشروط اولدیفنی در میان ایدرک مدعی دخی بودفنی قبول ایتسه محکمه نک موجبنه حکم ایدجکی طبیعیدر؛ جریان حادثه ماهیه عینی صورته تلقی ایدلمک لازمدر؛ اکر صلح واقع مطلقاً بر وثیقه تحریریه ایله پایلماسی قبول ایدیلوب بودفنه مدعی علیه بو سند تحریری بی ویرمز و یا خود اعلام منقوضک حین محاکمه سنده یوم معینه اثبات وجود ایتمزه محکمه مشکل موقعده قاله جقدرد؛ او حالده یا اولکی اقرارلری سند کبی تلقی ایدرک بلا وثیقه مصالحه بی تسجیل و یا مصالحه تحریری اولدیفندن نظر اعتباره آلمایه رقی نه بوتون دعوائی صلحدن اولکی حاله ارجاع ایتمک احتیاجی حاصل اوله جقدرد]

غ . ف .

محکمہ نمیز برنجی مقرونه دائره سنده :

۶۳۱۰
۵۳۰۲ نومرولو اعلامی صورتیدر :

خلاصه : ماصیه مراجعت ایتمدن دوغروجه سندیکار علیهنه محکمه به مراجعتله مداخله لری نک منعی طلب ایدن دانشک دعوائی قانونی اولوب اول امرده ماصیه مراجعت ایتمدیکسندن ناشی دعوانسک ردینی مستلزم بر ماده قانونیه موجود دکلدرد .

غلطه ده خاویار خائنده مقیم تجاردن محمد شکری بک و کیلی قدوسی بک مؤکلنک کاتب عدللیکدن رأساً تنظیم قلمش بر قطعه سند موجبنه غلطه ده خاویار خائنده ۴۲ نومروده اغا زاده محمد خلوصی بک ذمتنده مطلوبی اولان مبالغت تأمین استیفاسی ضمتنده آتسده کوتو کوی نامیه معروف چفتلکده موجود مصر پاموقلریله قوزه لری مؤکلنه رهن وتسلیم اولنوب فعلاً زردنده مرهون بولندیقی حالده مفلس مومی الیهک ماصیه سندیکری حاجی رفعت وجلال وجودت فخری بکر طرفندن مذکور رهنه مداخله ایدلمکده اولدیفندن مداخله واقعنک منعی حقننده اقامه ایلدیکی دعوانک جریان ایدن محاکمه سنده مدعی علیهم سندیکار مدعینک اول امرده وثائق ماصیه ابراز ایتسی لازم کله جکندن دعوانک ردینی طلب ایللریله طلب واقع موافق قانون بولومش اولمغله مدعی طرفندن افلاس ماصیه نه بالمراجعه ردی خائنده اقامه دعوی ایدیله بیله جکنه کوره ماصیه مراجعتله ردی تقدیرنده اقامه دعواده مختار اولمق اوزره دعوائی مقامه نک ردینه متدائر

استانبول محكمهٔ اصليهٔ ايكنجى تجارت دائره‌سندن صادر اولان ۲۷ ايلول سنه ۹۲۶ تاريخ ۴۱۵ عددلى اعلامك طرفينك بالجلب ايضاحات شفاهيه‌لينك استماعدن صكره تميزاً تدقيق مومى اليه محمد شكرى بك وكيلى طرفندن استدعا وطلب اولمغله تعيين اولان كونده طرفين وكيلىرى بالورود مواجهه‌لرنده تدقيقات تميزيه اجراسنه مبادرتله مذكور اعلام ولوايخ قرائت اولوندقدن ووكيلان مومى اليه‌مالك ايضاحات شفاهيه‌لىرى دغى استماع ايدلدكدن صكره وقتك عدم مساعدسه مبنى سائر اوراق دعوى تدقيق و اتخاذ قرار اولونمق اوزره كيفيتك يوم آخره تعليقه قرار ويريلوب يوم مغلظه سالف الذكر اوراق دعوى بالمطالعه احباب كيفيت مذاكره اولندقدن: دعواى مقامه مرهوناته سنديك اولدينى بيان وادعا اولان ذوانك منع مداخله‌لى طلبندن عبارت اولسنه نظراً بالرؤيه حكمه‌ربطى لازم كليركن ردى حقنده مادهٔ قانونيه تصريح واسباب موجه بيان ايدلمكسزين روجه محرر قرار وىرسى مخالف قانون اولديندن اصول محاكمهٔ حقوقيه قانونك ۲۳۲ نجى ماده‌سى موجبجه حكم ميزهيك تقضه و مقتضاي قانونيسى ايضا ايدملك اوزره اوراقك محمله اعاده‌سنه و روجه زير مصارف تميزيه‌نك ايلروده حقسز چيقه‌جق طرفه عايدته ۲۳ تشرين اول سنه ۹۲۶ تاريخده متفقاً قرار وىرلدى.

••

محكمهٔ تميز برنجى حقوقه دائره‌سندنه :

۳۱ تشرين اول سنه ۹۲۶ تاريخ ۶۸۷۳ عددلى اعلامك صورتيدور :

خلاصه: اعلام غيايى تيليغ ايدن وكيلىك صفت وكالتى اولاديلى بيان ووكيل عليهنده جزاده اقامه ايديلن دعوانك در دست رؤيت بولوندينى اثبات ايدلديكى حالده اعتراض دعواسنك رؤيت جزاده‌كى محاكمه‌نك نتيجه‌سنه دكين تعليق ايدلمه‌سى موجب نقضدر .

ريزه‌نك ليان كوى قريه‌سندن حاجى يحيى زاده مصطفى افندى اليه استانبولده فنجانچيلرده ۲۴ نومرولو مفاذه مقيم اوغورلى اوغلى ياني افندى ميانه‌لرنده متحدث مطلوبات دعواسندن طولايى وىريلن اعلام غيايى عليهنده مومى اليه ياني افنديك اعتراض استدعاسنك مدت قانونيه‌سك مرورندن صكره اعطا قلتمش اولسنه مبنى رديسه متدائر استانبول محكمهٔ اصليهٔ ايكنجى تجارت دائره‌سندن صادر اولان ۱۴ كانون اول سنه ۳۴۱ تاريخ ۵۶۵ نومرولو اعلامك تميزاً تدقيق مومى اليه مصطفى افندى طرفندن طلب واستدعا اولمغله اعلام مذكور لايحهٔ تميزيه وجوايه‌اليه معاً بالمطالعه تدقيقات تميزيه اجرا و ايجابى

مذاکره اولند قدده ، محاکمه غایبیه اساس اولان تبلیغاتک جهت جزائیهده ساخته لکی ادعا ایدیلرک و کیلک لزوم محاکمه سنه قرار ویرلدیکی آکلاشلمش و دردست رؤیت بولانان جزا دعواسنک نتیجه سنه تعلیقاً اعتراض دعواسنک تأخیر تدقیقی طلب اولنمش ایکن نظر اعتباره آلتیه رق بوجه محرر قرار ویرلسی مخالف قانون اولدیغندن اصول محاکمات حقوقیه قانونسک ۲۴۱ نجی ماده سی موجبجه حکم میز بهک نقضه و کیفینک نقض واقع دائره سنده بالرؤیه اعلامه ربطی ضمیمه اوراقل محله اعاده سنه و بوجه زیر مصارف تمیزیه نک ایلروده حقسز چیقجه حق طرفه عائدیته ۱ آغستوس سنه ۹۲۶ تاریخده متفقاً قرار ویرلدی .



محکمہ تمیز برنجی حقوق دائره سنده :

اعلام نومروسی ۶۷۲۲ ، تاریخ : ۲۸ تشرین اول ۹۲۶

خلاصه : اجاره ده ایجاب سکوتله مقابله ایدلسی تجدید عقد مقاننده در .

نشان طاشنده حریه جاده سنده ۸۵ نومرولو آباوتمانده مقیمه دوقنور قره بت افندی زوجیه مادام آیتل یاغوبیانک ینه نشان طاشنده حریه جاده سنده کائن آستارجیان آباوتمانده مقیم آلی بورلا افندی علیه اقامه ایلدیکی بدل ایجار دعواسنک اجرا قلنان محاکمه سی نتیجه سنده :

مدعا به ایکی سیک بشیوز اوتوز بش لیرانک مدعی علیه ن بالتحصیل مدعیه اعطاسه و آتی به تعلیق اولنان مطالبات سائر حقنده اتخاذ قراره محل اولمادیقنه متدائر استانبول محکمہ اصلیه سی دردنجی حقوق دائره سندن صادر اولان ۳۱ مایس ۹۲۶ تاریخ و ۲۴۶ عددلی اعلامک طرفینک بالجلب ایضاحات شفاهیه لیرینک استماعندن صکره تمیزاً تدقیقی مومی الیه بورلا افندی طرفندن استدعا قلمغله تعین اولنان کونده طرفین وکیللری کلهرک تدقیقات تمیزیه اجراسنه بالابتدار تمیز علیها وکیلک شرائط حقنده کی اعتراضک ردینه قرار ویرلدکن و مذکور اعلام ولوایح مواجهه لرنده قرائت اولندقدن صکره وکلای مومی الیه مانک ایضاحات شفاهیه لری استماع اولنهرق ختام تدقیقات بالافهام ایجاب کیفیت مذاکره اولندقدده :

موجر طرفندن مستأجره کوندربان ۲ ایلول سنه ۹۲۵ تاریخلی مکتوبده مأجورک

سنه آتیه ایچون بدل ایجاری بیک سکز یوز لیرا اولدینی بیان ایدلسی اوزرینه مستأجر طرفدن رد ایدلیه رک سکوت ایدلش اولسنه وشو صورتله مجله نك ۴۳۸ نجی ماده سی موجبجه بیک سکز یوز لیرا اوزرندن بر سنه مدتله تجدید عقد وقوعی احکام قانونیه اقتضاسندن بولنش و بالا آخره وقوع بولان مخبرات نظر قانونده کأن لم یکن بولدینی تحقق ایتش ایکن بر منوال محرر مطالعه بیانیه اجاره مضافه نك تحصیلنه حکم ایدلسی مخالف قانون اولدیغندن اصول محاکات حقوقیه قانونك ایکی یوز اوتوز ایکنجی ماده سی موجبجه حکم مذکورك نقضه و کیفیتك تکرار بالرؤیه اعلامه ربطی ضمیمه اوراقك محله اعاده سنه و بوجه زیر مصارف تمیزیه نك ایلروده حقسز چیقاجق طرفه عایدقنه ۱۱ ایلول سنه ۹۲۶ تاریخده متفقاً قرار ویریهك معاً تقدیم قلندی .

حکم تمیز ایکنجی جزا دائره سنه :

۱۰۰۱۱ اساس

۷۰۷۹ قرار

ساوانك زاخارین ایله غازوز اعمال ایتسندن ناشی استانبول محكمه اصلیه دردنجی جزا دائره سندن مظلونك حبسنه دائر صادر اولان ۲۸ كانون ثانی سنه ۹۲۶ تاریخی حکمك تمیزاً تدقیق محکوم علیه ساوا طرفندن استدعا و شرطی ایفا قلمغله بالقبول تدقیقات تمیزیه اجرا اولندقدن تبلیغامده دخی بیان اولوندینی وجهله حکم تمیزیه اسباب و دلائل قانونیه مبتنی و اصول و قانونه موافق و تمیزاً درمیان اولنان اعتراضات دخی محاکمه ضبطنامه سی مندرجاتنه نظراً غیر وارد اولوب آنجق حکمك حین صدورنده سرعی اولما بوب بالاخره موقع سرعته وضع اولنان و مظلونك لهنده اولق اعتباریه ما قبلنده ساری و شامل بولنان یکی قانون جزانك ۸۹ نجی ماده سنك محکوم به جزانك تأجیلی حقنده حکامه بخش ایلمش اولدینی حق تقدیرك استعمال ایدیلوب ایدلیه جکی جهتی محتاج تدقیق بولونمش اولماسه منی یالکیز بو سیددن دولای حکم مذکورك نقضه و اوراقك محله وایکی یچق لیرا جزای تقدینك مستدعییه اعاده سنه وایکی یوز غروش تمیز اعلامی خرجك ایلروده حقسز چیقاجق طرفدن تحصیلنه ۲۰ تشرین ثانی سنه ۱۹۲۶ تاریخده متفقاً قرار ویرلدی

۶ كانون اول سنه ۹۲۶

١٠٣٨٦ اساس

٧٤٦٥ قرار

خندق آتلامه او پوتی اوینا مقدمه ایکن خیزله آتلایه جفی صیراده بردنبره قارشوسنه چیقان آلتی یاشنده کی امینه قیزی درهیه دوشورمک و باشندن مجروحیتنه و بالنتیجه وقاتنه سببیت ویرمکه مظنون مکتبی صوک صنف طلبه سندن ١٤ یاشنده ن. ک ١٨٢ نجی ماده موجبجه بر سنه ٤٢ نجی مادهیه توفیقاً و تنزیلاً بر آی مدتله حبسنه دأر استانبول محکمه اصلیه دردنجی جزا دأثره سندن صادر اولان ٢٥ کانون ثانی سنه ٩٢٦ تاریخی حکمک محکوم علیه طرفندن تمیزاً تدقیق استدعا قلمش و بالقبول اجرا ایدیلن تدقیقات تمیزییه نتیجه سنه ؛ تبلیغنامه ده حکمک تصدیق طلب اولنیورسده متوفیه آلتی یاشارنده امینه ده فعل جرحدن مقدم موجود اولان تدرن دماغی یی جرح واقع تشدید و مزبورونک موتی تسریع ایتمش اولدینی معاینه سنی حاوی ٥ تموز سنه ٣٤١ تاریخی راپورده مصرح بولونمش اولسنه نظراً شو اسباب متقدمه نک مظنون علیه حقنده اسباب مخفقه تقدیرییه تشکیل ایدوب ایدمهیه جکنک دخی تدقیق و تأملی اقتضا ایدر ایکن بوندن ذهول اولونماسی مخالف قانون و بو اعتبارله لایحه تمیزییه مؤداسی وارد و بجا کورلمش اولدیغندن اون بش یاشندن دون بولوندینی قبول اولنان مظنون علیک حین حکمه موجود اولمایان ولهنده اولماسی حبسیله ماقبله شمولی درکار بولنان یکی جزا قانونی منطوقتیجه حین ایقاع جرمده فاروق و میز اولوب اولمادینی خصوصنک تدقیق دخی مقتضی اولسنه مبنی حکم میزیهک نقصنه ٢٥ تشرین ثانی سنه ٩٢٦ تاریخنده متفقاً قرار ویرلدی ١٢ کانون اول سنه ٩٢٦

.*

[استدعا دأثره سنک بو ایکی اعلامی مظنونلر لهنه اولان قانونلرک ماقبله تشمیل ایدیله جکی حقنده کی قاعده حقوقیه نک صرف تقدیره معلق خصوصاً ده دخی تطبیق ایدیله جکنی کوسترمکده درکه خلقلک لهنه بر تفسیر اولوق حبسیله شایان ذکر در ؛ مخفف جزا اولان احکامک محکوملره دخی تشمیل ایدلسی مقتضی بولونماسه و محکمه تمیزییه تقدیره معلق اولان احکام جدیده معروضه نک مخفف جزا احکام کی تلقی ایدیله رک قطعیت کسب ایتمه مش اولان دعوالرده نظر اعتباره آلمسی لزومی قبول ایدلسنه نظراً محکوملرکده بوندن مستفید اولوب اولمادینی جهتنک بعض مدعی عمومیلک کردن استیدان ایدلدیکی مستخبر ایسه ده محکومیتلری قطعیت کسب ایتمش اولانلرک بوا حکام جدیده تقدیر یه دن استفاده ایتمه لرینک شکل و صورتی کورولمه مکده در.]

فردہ رال محکمہ سندھ :

قرار تاریخی ۲۱ مایس ۱۹۲۶

محکمہ رئیس: موسیو رھ فوس Refhous

مدعی : جلال الدین بک

مدعی علیہ : موسیو ژا کہ

خلاصہ : قانونک بخش ابتدیی بر حقہ استناداً حیز وضعنه قارشى حقاك سوء استعمالی نظریہ سی درمیان ایدیلہ من.

۱۹۲۲ سنہ سی اغتوسندہ اسویچرہ نك جنورہ شہرندہ اقامت ایتش اولان جلال الدین بک برادری محمود بک مشترسی بولونقلری کوملکچی موسیو ژا کہ دن برنجیسی ۱۰ فراتلق بر ایك مندیل وایکنجیسی ۹۵۰ فراتلق چوراب و کوملک اشترا ایدرک بلاتادیہ اسویچرہ دن مفارقت ابتدکلری حسیلہ مدعی فاطورہ لرینی ۱۹۲۳ سنہ سی ظرفندہ قاهرہ یہ کوندردیکی حالہ مطلوبی تحصیل ایدہ مشدر .

جلال الدین و برادری محمود بکلرک اسویچرہ یہ عودتہ (بوریاواژ) اولتلندہ اقامت ایتکدہ اولدقلرینی استخبار ایدن مدعی علیہ ژا کہ ۲۵ ایلول ۱۹۲۴ تاریخہ مصادف بخشنہ کونی فاطورہ لرینی ایکی دفعہ مدیونلرینہ ارسال ایلہ مش وجمعہ ایرتسی کونی مطلوب مبالغت ادا ایدیلہ جکی وعدی ویرلشدی. فقط عینی زماندہ مدعیلردن بریسنک او کون و دیگر بک ایرتسی کونی حرکت ایدہ جکینی او کرہن دائن علی الاصول مدیونلرک اوتوموبیل سائراشیالری اوزرینہ حیز وضعنی طلب و جلال الدین بکہ عائداولان اوتوموبیل اوزرینہ حیز مقرر وضع ایدلشد . ایرتسی کون مدیونلردن بریسی فرق و دیگر ی ۱۲۵۰ فراتق دەپو ایتش اولمالریلہ حیز موضوع فک ایدلشد .

ژا کہ مدیونلردن جلال الدین بکدن ۱۹ فراتلق لزوم اداسنی طلب و دعوا ایتسنہ مقابل جلال الدین بک مقابله ضرر و زیان اولهرق دائنن ۵۰۹ فراتق دعوی ایلہ مشدر؛ بو دعواسنی قانون مدنی نك ایکنجی مادہ سیلہ بورجلر قانوننك ۴۱ نجی ومتعاقب مادہ لرینہ استاد ایتدیر مشدر، فقط اصل دینی انکار ایتہ مشدر . اداسنی توضیحاً دائن ژا کہ نك علیہ سوء نیتلہ حرکت ایلہ دیکینی ودینی ادا ایچون کنديسنہ زمان برافادینی وبرلوکس اوتوموبیلنك اون فراتلق بر آله حق ایچون حیزی حسن نیتلہ قابل تألیف اولمادینی

و بوجزدن بر ضرر معنوی به دوچار اولدیفنی ادعا ایله مشدر. ۲۷ تشرین اول ۱۹۲۵ تاریخلی قرار یله محاکمه جلال الدین بکک دعوی متقابله سنی ردایله کندیسنی مدیون اولدیفنی مبالغه ایله بالجله مصارفک تأدیه سنه محکوم ایتمشدر.

محکمه اسباب موجب سنده روسه لک شرحه (ص: ۶۶) و فده مال محکمه سنندن بوندن اول اعطا ایدیلوب محکمه لر غزته سنده (۱۹۱۴، ص: ۱۲۴) انتشار ایدن بر قراره استناداً قانون مدنی نک ایکنجی ماده سنک حکمی قانون مدنی نک تطیفنه محل و یرن حادثاده جاری اوله ییلوب یوقسه اصول محاکمه به کوره تطبیق ایدیلان تعقیبات و تصدیقاته علاقه سی اولمایه جفنی در میان ایله مشدر.

جلال الدین بک بو قراره قارشی استیناف دعوی ایتمش و اولجه در میان ایتدیکی دلائل و مدافعاتی تکرار ایله هیچ اولمازسه حجز وسائر مصارفک ژا که به تحمیلنه قرار اعطاسنی و ژا کده موافق اصول و قانون اولان قرار اولک تصدیقی طلب ایله مشدر.

مسئله* ماده ۴

هر نه قدر جلال الدین بک بویله پاره سنی و یرمیدیکی ۱۰ فراقلق بر مندیله آلدیفنی تحظر ایتدیکنی در میان ایدیور سه ده صورت قطعه ده انکار ایتمه سنه نظراً بومندیلی اشترا ایتدیکنی قبول ایتمک ایجاب ایتدیکنه؛ موسیو ژا که نک ۱۹۲۳ تاریخنده مطلوبی ایسته مک ایچون مکتوبلر کوندر دیکی بالتحقیق آکلا شلمش ایسه ده مذکور مکتوبلرک مرسل الیه و اصل اولدیفنی جهتک تحق ایتمه مش اولماسنه و ۲۵ ایلول ۱۹۲۴ تاریخنه مصادف پنجشنبه کونی اوکلندن سوکرا فاطوره لری آلوب ایکی کون سوکرا تأدیه ایده جکنی بیان ایدن ذاتک جلال الدین اولمایوب برادری محمود اولدیفنی اجرا ایدیلن تحقیقاتدن آکلا شلمقه ده اولماسنه قانوناً؛

اسو بچرده اقامتکاهی موجود اولمایوب موقه اوراده بولونمقه اولان جلال الدین علیه اصول محاکمه موجبنه ژا که نک بر حجز طلبه صلاحیتدار بولونماسه اصول ۷، که ده محرر ضرر و زیان طلبی آنجق حقسز بر صورتده حجز وضعی حالنده موضوع بحث اوله ییلوب بالذات جلال الدین دخی طلبی قانون مدنی نک ۲ نجی ماده سیله بورجلر قانوننک ۱۴ و متعاقب ماده لرینه استناداً ایتدیر مکده بولونماسه و اصول محاکمه نک تعیین ایتدیکی شرائط دائره سنده یاپیلان تعقیباتدن ناشی حقک سوء استعمالی پره نسپنک در میان ایدیلوب ایدله به جکی

مسئله سی اولجه فهدرهال محكمه سنجه تدقیق ایدیلهرک قانوناً حایه ایدیلن بر حقلک دائمی قانونی و مشروع بر حق اولهرق تلقی ایدلمسی ایجاب ایدهجکی صورتیله حل ایدلمش بولونماسه

مع هذا بواجبی مسائلده حقلک سوء استعمالی ادعای درمیان ایدلمسه بیله حسن نیت قاعده لرینک درمیان ایدیله بیله جکسه ومثلاً دائن باشقه بر صورتله تأمین حق ایده بیلیرایکن مدیونی تصدیق وحقندن فضله برشیلر آلمق ایچون حمزه تشبث ایتدیکنک تحقیق تقدیرنده سوء نیت تظاهر ایده جکسه ده اورته ده بویله بر حادثه موجود اولمادیغنه وفی الواقع مثلاً اولدیر کتورینک توسطنی طلب ایتمک صورتیله موسیو ژا که نک دها احتیاطلی داوراناماسی ممکن اولدینی درمیان ایدیله بیلیرسه ده هر حالده حمز قرارینی طلب ایله آنحق مطلوبونی تحصیلدن باشقه بر غایه تعقیب ایله مدیکی عیان اولماسه وهر نه قدر ایی بر مشترینک الدن کیتمسی ومطلوبدن فضله وکیل اجرتی ویرلمسی کی نتایجی تولید ایتسی حسیله حمز واقع ژا که طرفندن پائش مدبرانه وعاقلانه بر حرکت دکل ایسه ده حمز مطلوب مشروع بر حق صیانت ومحافظه ایچون حسن نیتله وضع ایتدیرلمش اولماسه وکوجوک بر مبلغ ایچون یک قیمتی اولدینی صوکرادن آکلاشیلان بر اوتوموبیلک حمز ایدیله جک اشیا آراسنده ابرازندن ناشی دخی موسیو ژا که نک اتهام ایدیله مه جکسه چونکه حاجز حمزک هانکی اشیا اوزرینه وضع ایدیله بیله جکسی تعیین ایتمه قانوناً مجبوری اولوب مطلوبه نسبه هانکی اشیا نک ترجیح ایدیله جککنک تعیینی اجرا مأمورینه عائد اولماسه ومأمورک حمزی صورت ایفاسندن دائنک مسئول اوله مایه جغه و برادری محمود بکک دیتندن ناشی جلال الدین بکک آراهه سنک محجوز بولوندورلمش اولماسندن ناشی ده دائنک مسئولیتی موجب اوله مایه جغه واساساً مبالغ معلومه ایتسی کون ده پوزیتو ایدلمسه بیله اوتوموبیل اوزرنده کی حمز رفع ایدلدیکندن بالفعل نتایج غیر مناسبه نک تحدث ایتدیکنه؛ عینی اسبابدن دولایی بورجلر قانونک ۴۱ نجی ومتعاقب ماده لرینک حادثیه وجه تطبیقی موجود اولماسنه، سوء نیته مقرون اولمیه رق بر حق قانونینک صیاتی ضمتده یاپیلان بر معامله اصوله دن ناشی، حقلک سوء استعمالی ویا غیر مشروع بر معامله ادعاسیله ضرر وزیان طلبنه جلال الدین بکک حقلی بولونماماسه بناء جلال الدین بکک استیناف استدعاسنک قبولندن صوکر اعلام اولک تصدیقه قرار ویرلدی .

تورک ایتالیان مخلط حکم محکمه سندن : ۲۲ شباط ۱۹۲۷

مدعی: فضی نجیب بك ، مدعی علیه آسیکوراسیونی جه نهران سیفوریطه شرکتی مدعینك مع فائض اون بش بیک آلتون فرائق طلبنه قارشى مدعی علیه مدافعه سیفوریطه پولیچه سنده محرر شرائطه نظراً طرفین آتیه شهرى بدایت محکمه سناک صلاحیتی قبول ایتدکلى و مدعینك مدعی علیه شرکته کوندر دیکى ۱۹ آگستوس ۱۹۲۳ تاریخلی بر مکتوبله ۲۲ تشرین اول ۱۹۲۳ تاریخنده کشیده و تبلیغ ایتدیر دیکى بر اخطار نامه رسمیه آتیه محکمه سنده اقامه دعوی ایده جکنى بیان صورتیه او محکمه نك صلاحیتی قبول خصوصنده کی فکر و نیتنى تأیید ایلدیکنى ولوزان معاهده سناک ۷۸ نجی ماده سى موجبجه یونان حکومتك بی طرف عد ایدلسى ایجاب ایتمکه یونان محاکمك صلاحیتیه داخل اولان بو دعواك محاکم مختلطه نك صلاحیتی خارجنده بولوندیغنى ، شرکت مدعی علیه نك حین عقد مقاوله ده آوستریا تابعیتنده بولونمش ایسه ده معاهده نك ۸۲ نجی ماده سناک تعیین ایتدیکى تاریخنده دشمن صفتنى حائز بولونمادیغنى بالیان رؤیت دعواك محکمه نك صلاحیتی قبول ایتمک صورتیه اشبو محکمه یه بخش ایدیلن حق صلاحیت انتظام عامیه متدائر اولوب معاهده نك تصدیقندن اول مقاوله باشقه بر محکمه نك صلاحیتی قبول ایتمک صورتیه اشبو محکمه نك حق قضایى رفع ایدیلمه یه جکنه ، مدعینك یازدیغنى مکتوب و تبلیغ ایتدیر دیکى پروتستو ایله هنوز تصدیق و نشر ایدلمه ین معاهده ایله مؤسس محاکمه مراجعت حقندن فراغت ایتمک آرزوسنده بولوندیغنى معناسناک استخراج ایدیلمه یه جکنه ، و رؤیت دعوی یونان محاکمه راجع اولدیغنى فرض ایدلسه بیله ۷۸ نجی ماده موجبجه یونان حکومتى بی طرف عد ایدلر یوب بو ماده یه کوره بی طرفلق وصفی مقاوله نك حین عقدنده موجود احواله دکل معاهده نك حین عقدنده جاری احواله کوره تعیین ایدیله جکنه و فقط یالکز تدقیق ایدیله جک مسئله مقاوله نك حین عقدنده طرفین متفق تبعه دن اولدقلى حالده مؤخرأ بر طرفك ایتالیان تابعیتی اکتساب ایتمى اوزرینه معاهده نك ۷۸ نجی ماده سى موجبجه رؤیت دعوا اشبو محکمه نك صلاحیتی داخلنده اولوب اولمادیغنى قضیه سى اولوب متن ماده یه کوره انسانى حریده ایتالیان تابعیتی احراز ایدن بر طرف ایله متحدث اختلاف ده یه تلقی ایدیله بیله جکنه و حربدن اول ایتالیان بولونمش بر آدم ایله انسانى حریده بو تابعیته کچن اشخاص آراسنده بر فرق کوزده دلمسه متن ماده نك مساعد بولونمادیغنه و بوماده نك تعقیب ایتدیکى غایه اساساً ۱۹۱۸ سنه سى ۳۰ تشرین اولندن مقدم دشمن تبعه سندن بولسان طرفین

آراسنده موجود مقاولانیدن متحدث اختلافاتی صلاحیتدار اولان محاکم ملیه نك صلاحیتندن اخراج اولوب مدعی علیه حریفدن اول ویا حرب ائناسنده ایتالیان اولماسی اساس مسئلهیه مؤثر اوله مایه جغه و ۷۸ نجی ماده سی یالکیز قبل الحرب ایتالیان اولانله تطبیق ایدلسه اولنله صوکرادن ایتالیان اولانلر آراسنده بلاسبب برفرق ایجاد ایدلس اوله جغه وباخصوص سیغوریطه مقاوله لرینه طائد خصوصانده طرفین عالین عاقیدنک بویه بر مقصد تعقیب ایتدک لرینه دأثر هیچ بر دلالت بولونماقدن ماعدا معاهده نك هیئت عمومیه سندن سیغوریطه جیلرک معاهده نك موقع مرعیتیه وضعی تاریخنده کی تابعیتلرینک نظراعتباره آنلیدینی جهتی آکلاشیلماسه بناء مدعی علیه شرکتک مدافعاتنک ردیله رؤیت دعوانک محکمه نك صلاحیتی داخلنده اولدیغنه واساس دعوی حقنده مدافعاتی درمیان ایتک اوزره کندیسنه فرق بش کون مهلت اعطاسنه ومصارف محکمه حقنده بعده ایجابی تذکر ایدیله جکجه قرار ویریلرک تفهیم قلندی .

تورک انکلیز مختلط محکمه سندن : ۸ مارت ۱۹۲۷

مدعی : مایه ههرش سیرترکی

مدعی علیه : انکلیز حکومتی

قاضی کوینده کائن اولوب استانبولک حین اشغالنده انکلیز اردوسی ارکان حریفه سنه ایجار ایله دیکی سینه ماسنک بدل اجاره سندن مطلوبی اولان یوز طقان درت انکلیز لیراسنک مع فائض ومصارف تحصیل حقنده مدعی طرفندن اقامه ایدیلن دعوا اوزرینه طرفینجه معطی مستدعیات ولوا یحک تدقیقندن و ۲۷ شباط ۱۹۲۷ تاریخنده منعقد جلسه علیه ده مدعی نامنه وکیلی یوسف جمیل بکله انکلیز آژانی اوئل ولس و تورک آژانی وصفی راشد بکک مدافعات و بیاناتی استماع قلندقدن صوکر ایجابی لدی المذاکره اساس دعوا مدعینک استانبولی اشغال ایدن انکلیز قوتلریله ۲۸ مایس ۱۹۱۹ ده عقد ایله دیکنی ادعا ایتدیکی بر مقاولهیه مستند بولونماسه و لوزان معاهده سنک ۷۷ نجی ماده سنک برنجی فقره سنه نظراً ۳۰ تشرین اول ۱۹۱۸ دن صوکر تورک و متفق تبعه سی آراسنده منعقد مقاولانک احکام عمومیه یه تابع طوتیله جنی تصریح ایدلس اولماسه بناء مارالذکر مقاوله نامه یه مستند دعوا سنک رؤیتی محکمه مختلطه نك صلاحیتی خارجنده اولدیغنه و یکرمی بش لیرا اوله رق تعیین ایدیلوب اولجه قلمه تودیع ایدیلن مصارفک مدعی یه تحمیلنه قرار ویرلدی .

فرانسه تمیز حقوقه دأره سنده : ۱۵ کانون اول ۱۹۲۶

وکالت. استخدام ایدنلرک مسئولیتی [بورجرلر قانونی ماده: ۵۵]

بورجرلر قانونمیزک ۵۵ نجی ماده سی موجبجه « باشقه لرینی استخدام ایدن کیمسه معیتده کی مستخدمین و عمله سنک خدمت لرینی ایفا ایتدکلری ائنده یابدق لری ضرردن مسئولدر. شو قادار که بویله بر ضررک وقوع بولماسی ایچون حال و مصلحتک ایجاب ایتدیکی بوتون دقت واعتناده بولندیغنی یاخود دقت واعتناده بولونمش اولسه بیله ضررک وقوعنه مانع اوله میه جغنی اثبات ایده رسه مسئول اولماز. »

فرانسز تمیز محکمه سنک مارالذ کر قرارینه کوره بر مستخدم ، کندیسنی استخدام ایددن کیمسه دن پشیناً پاره آلوب فقط ویره سی یه موکلی حسابنه مال اشترابو بصورتله آلدینی پاره لری سوء استعمال ایده رسه بوندن متولد مسئولیت استخدام ایدن کیمسه یه راجع اولور. ملاحظه : بورجرلر قانونمیزک مارالذ کر ماده سنه نظرآده بر کیمسه خدمتکاری واسطه سیله صورت دائمده مناسبنده بولندیغنی کیمسه دن مال اشتراب ایده رسه، ویره سی یه مال صائماسی ایچون بالعه تنبیه آده بولنقی کبی حال و مصلحتک ایجاب ایتدیردیکی تدایره مراجعتله ضررک حصوله کلامسنه چالشدیغنی اثبات ایده مزسه ضرر وزیان ایله مسئول اولور. م. د.]

فرانسه تمیز استرعاً دأره سنده : ۱۱ کانون ثانی ۱۹۲۷

ارتفاق حق ، لزومی کچید [قانون مدنی؛ ماده : ۶۷]

قانون مدنییزک ۶۷۱ نجی ماده سی موجبجه « طریق عامه چیمق ایچون کافی بریولی بولونمایان غیر منقول صاحبی تام بر عوض مقابلنده قومشولرندن کندیسنه کچمک ایچون مناسب بر یرک ترکی طلب ایده بیلیر. »

فرانسه قانون مدنیسنک ۶۸۲ نجی ماده سی ده ، یوکا نمائل بر حکمی حاویدر .

فرانسه محکمه تمیزی بو ماده بی تطبیقاً « قایالر آراسنده یائش ؛ دار ، غیر مساوی و یوزده ۱۹ دن ۲۵ قادار میلی آنجق خفیف یوکلی آلجق آراهلرک مسورینه قابیلی و کرک حیوانلر و کرک بونی سوق و اداره ایدنلر ایچون تهلکلی اولان یوللری غیر کافی عد ایش و بویله بر طریق عامه مدخلی بولونان غیر منقول صاحبکده ینه قومشوسندن لزومی اولان کچیدی طلب ایده بیله جکنه قرار ویرمشدر .

في الحقيقة قانون مدنيك مارالذ كر ماده سنده موضوع بحث اولان غير كافي يول ، بر غير منقولك حال حاضره نظراً ايشله دلمسى ايجون غير كافي بر يول ديمكدور . (تورك قانون مدنيسى دردنجي كتاب ٦٧١ نجى ماده شرحه مراجعت) . فرانسه محكمه تميزينك بو قرارى قانون مدنيك ٦٧١ نجى ماده سنه تماماً مطابقدر . م . م .

شِشُون

CHRONIQUE

پروفيسور قروزانك قونفرانسى

مكتب حقوق مدرسلرندن و مجموعه مز هيئت تحريريه سندن پروفيسور قروزا حكامك تشكيلات اساسيه غير موافق قانونارك عدم تطبيق حقنده مجموعه مزك اورتبه آتدينى مسئله مهمه حقنده مكتب حقوقده بك مهم بر قونفرانس ويرمشدر . بونظريه نك مخالفى اوله رق كوستريلن مدرس معمر راشد ومدحت بكلك فكرلريله اوكا طرفدار اولان مدرس مصلح الدين عادل ، م . رشيد وغاد فراقو بكلك فكرلرينى مناقشه ومقايسه ايتمش وآوروپاده كى تدقيقاتى ده نظر اعتباره آله رق كرك تشكيلات اساسيه مزك روحى وكر كه متنى ايجانجه تورك حاكمنك بويله بر حق صلاحيته مالك اولديغنى اثبات ايله مشدر .

غاد فراقو بكك قونفرانسى

مارتك ٢٤ نجى جمعه كوى ايمقال جمعيتى سالونلرنده بر جوق حضار اوكنده غاد فراقو بك ملتاز جمعيتى حقنده فرانسجه قونفرانس ويرمشدر .